

援  
鵠  
堂  
筆  
記

援鴞堂筆記卷第二十七

史部

後漢書一

今本志三十卷目錄列范書紀後按八志既非范氏之書又無章懷之注當次於列傳之後不當次范書卷第魏收魏書例猶爲劉知幾所譏况馬范兩氏之著撰乎

樹按乾隆四年武英殿校刊

經史分校諸臣皆題名卷末先生此所閱後漢書凡稱今本臣某按者謂官本也此范書目錄列志於紀後與明南監本同又按何義門讀書記次志於列傳後又盧抱經先生言汲古刻本尚不以續志問范書之中而監本乃欲與史漢一例遂移置列傳之前且不題司馬彪之名又易劉昭注補爲補并注皆失本來面目矣按監本在汲古之前盧語似倒且今汲古本亦仍以志次列傳前盧非不見汲古本而妄言者或由後來翻刻妄改

蔚宗獄中與諸甥姪書云紀傳例舉其大略劉昭亦云序例所論備精與奪光武紀安帝紀章懷注并載范氏序例今并

未見未審何時失之

隋志後漢書九十七卷又後漢書讚論四卷唐志後漢書九十二卷論贊五卷又章懷太子賢注後漢書一百卷據隋唐二志范書贊論別爲數卷豈章懷作注乃取而析附紀傳之末與又疑贊別爲書論不爾也蓋史漢之贊類載於序傳之後范氏當倣其故轍論則因事而發未必析出紀傳之外也沈約宋書及新唐書亦閒於一卷內一人一事發論者此卽范氏之例也觀宋書者不察於其論後卽疑爲一卷之終故宋書沈約自云七十卷而後人乃分爲百卷也

宋熊方有後漢書年表十卷同姓王侯表二異姓諸侯表六百官表分上下各二其經進表銜稱右迪功郎前權澧州司

戶參軍右見朱錫鬯曝書亭集

東樹按鮑氏以文得宋梓本盧學士抱經爲校定開雕在

王寅之歲先生不及見盧序稱熊氏字廣居豐城人靖康中舉於鄉嘗名所居堂曰補史進此書不得命史家不著錄通

志更考皆不載

按后妃紀末附皇女一條注云沈約謝儼傳曰范曄所撰十

志一皆謝儼搜撰垂畢遇曄敗悉蠟以覆車宋文帝令丹陽

尹就儼尋求已不復得一代以爲恨其志今缺又班彪傳載

范曄爲儼改裁成帝墳句今宋書無謝儼傳蓋闕軼矣

樹按詳具

后紀皇女封公主及沈約宋書條下

唐書三宗諸子傳云賢奉詔集諸儒左庶子張大安洗馬劉

訥言洛州司戶參軍事格希元學士許叔牙成平一史藏諸

周贊寧等其注范曄後漢書按張大安見張公瑾傳格希元

見岑長倩傳許叔牙見蕭德言傳

劉知幾史通覈才篇傳休奕云觀孟堅漢書實命世奇作及與陳宗尹敏杜撫馬嚴撰中興書紀傳其文曾不足觀豈拘於時乎不然何不類之甚者也是後劉珍朱穆盧植楊彪之徒又繼而成之豈亦拘於時而不得自盡乎何其益陋也又補注篇云蔚宗之芟後漢也簡而且周疎而不漏蓋云備矣而劉昭采其所捐以爲補注言盡非要事皆不急云云按劉昭注續漢志之外有補注後漢書五十八卷又劉熙注蔚宗後漢書一百二十二卷樹按據此則盧抱經謂當云注補不當云補注者似非也然宣卿志注自補紹統則抱經之言駁而非妄

光武帝紀上凡諸僭叛及諸將攻討頗苦緒雜可各標記以

便覆閱自爲破虜將軍以下與前昆陽之戰以上精神不相貫攝 漢賊王莽也不敘關中兵起及莽事僅以三輔豪傑誅莽首詣宛則不得統緒雖其事在更始之年而不可不著伯升見害光武詣宛此時兵柄必爲更始所并蓋在河北不就更始之徵是時兵勢已張更始不復能治而其貳於更始之心久矣 聖公雖非雄才然亦不能概斥其碌碌流汗刮席舊人已辨其過誣而當時繫心於漢者頗所傾向且光武君臣已定不能遽自離異故持節河北僅能鎮慰州郡而已况更始立即使謁者韓鴻持節徇北州承制耑拜二千石以下則光武鎮慰在其後及王郎兵起信都出迎而後能發兵遣擊蓋當河北兵未作不能爲之倡且度其勢不能久靖

故會王郎之變遂可藉手耳 是年更始西入長安而洛陽  
更始名號已定鎮守多其舊將惟河北未定所歸持節渡河  
未必非自爲謀舊史隱而不傳范氏無識後人不復可知耳  
更始入長安何以不書赤眉之兵何以不書赤眉立劉盆  
子爲天子在建武元年始見則天下之形勢與關中之事俱  
不得其領要 世祖雖不及高祖遠甚而觀其紀上卷平定  
方略都不可見使人憤憤

高祖九世之孫也按高祖至光武始九世不得云九世之孫  
莽末天下連歲災蝗寇盜鋒起注言賊鋒銳競起喻多也按  
鋒當作蜂

地皇三年注天鳳六年改爲地皇按王莽傳天鳳五年赤眉

力子都樊崇起於瑯邪地皇元年南郡張霸江夏羊牧王臣等起雲杜綠林

諸家兵客多爲小盜光武避吏新野愚謂自綠伯升賓客爲盜故光武避吏耳此何足諱耶

有星孛於張注前書音義曰孛星光芒短蓬然按前書文紀文穎注孛星光芒短其光四出蓬蓬孛孛也則此注蓬然當重一蓬字

進屠唐子鄉注唐子鄉有唐子山在今唐州湖陽縣西南按湖陽在唐縣南界

更始元年今本按云張衡傳衡條上司馬遷班固與典籍不合者十餘事又言更始居位人無異望光武初爲其將然後



卽眞宜以更始之號建於光武之初書數上不聽可知今紀所載更始元年二年亦范史承用張衡之說改定者非班固等所撰本紀舊文也

樹按此著今本按云不著臣某先生意略其人也然似未安

漢軍後與甄阜梁邱賜戰於泚水西注泚水在今唐州泚陽縣南按泚陽今唐縣

伯升又破王莽納言將軍嚴尤秩宗將軍陳茂於涑陽按涑陽故城在今南陽縣東

二月立劉聖公爲天子按聖公乃新市平林所欲立者此如光武立之矣

初光武爲舂陵侯家訟逋租於尤注舂陵侯敞卽光武季父按季當作族又注云時宛人朱福亦爲舅訟租於尤今本按

云朱福卽朱祐朱祐傳注引東觀記云祐作福避安帝諱也  
範按說文示部從示古聲者云上諱又爾雅釋詁祐福也然  
則安帝名祐作祐者非劉攽刊誤於周章傳云安帝名祐此  
作祐字誤於朱祐傳云祐或作祐蓋安帝名祐朱仲先亦名  
祐故東京史臣改從福以避諱也今攷范史各本及通鑑俱  
作祐樹按安紀注引古今注祐之字曰福

三輔豪傑共誅王莽注時城中少年子弟按注朱弟誤作子  
從王莽傳改明監本又作宋弟

於是置僚屬按置字據建武九年劉貢父說改置舊作致按樹

明監本亦作致然據下注引續漢書置從事則作置爲明當

十月持節北度河按安城侯傳光武之徇河北朱鮪等以爲

不可又馮異傳光武與曹竟子詡相接而後得行

二年進至下博城西按下博在今深州之南又注云下博屬信都國按信都今冀州秦時信都在今邢臺項羽改襄國信都太守任光開門出迎世祖因發旁縣得四千人按此紀未卽位以前稱光武卽位後稱帝此復言世祖者蓋承襲舊文偶不及刊耳班固傳與陳宗尹敏孟冀共成世祖本紀王莽和戎卒正邳彤亦舉郡降邳彤傳作和成

東園鉅鹿王郎守將王饒堅守月餘不下郎遣將倪宏劉奉率數萬人救鉅鹿光武逆戰於南絲注故城今邢州栢人縣東北按栢人卽唐志堯山

漁陽太守彭寵注漁陽今幽州縣按唐志范陽郡潞縣下注

云武德二年自無終徙漁陽郡於此置元州領潞漁陽則章懷所注之漁陽非漢之漁陽也又檀州密雲郡注云有威武軍萬歲通天元年置本漁陽疑此同後魏之漁陽而唐之漁陽縣又非魏之漁陽章懷注疑非

董憲起東海按王莽傳地皇三年赤眉別校董憲等衆數萬人在梁郡

又別號諸賊銅馬至獲索等注檀鄉賊帥董次仲按董次仲見任光傳

光武擊銅馬於鄴注臧矜音作鄢按隋志有臧兢范漢音訓三卷蕭該范漢音三卷但與唐志並云臧兢不作矜光武復與大戰於蒲陽按蒲陽山在今完縣

青犢赤眉賊入函谷關攻更始按更始以二年二月自洛陽西入長安前此不著何得遽云入函谷關攻更始

建武元年又戰於順水北按耿弇傳作慎水

追至右北平按北平今滿城

卯金修德爲天子注春秋演孔圖曰卯金刀名爲赤帝劉攽曰檢班固傳注則此注爲下合有一劉字余按讖文不得明出劉字此班固傳注多劉字耳

甲子前將軍鄧禹擊更始定國公王匡於安邑今本臣召南按定國上公乃匡之初封至此時爲比陽王久矣例以前文言舞陰王李軼後文言遣執金吾賈復擊更始鄧王尹遵則此文言定國公亦范書刊削未盡者

甲申以高密令卓茂爲太傅何峴贍曰茂本傳注云今洛州  
密縣此云高密者衍高字而注因以誤耳又云卓以平帝時  
爲密令卓亦應改茂

二年大司徒鄧禹入長安遣府掾奉十一帝神主納於高廟  
按奉長安神主於洛陽高廟是不別立主更其奉祀之稱注  
引衛宏漢書舊儀曰祭則立主於坎下按莽建國五年元后  
崩莽立廟祀元后以元帝配食坐於牀下此雖莽之制然亦  
仍漢儀似亦不立主於坎下也更檢續志注引漢舊儀云合  
食設左右座有幄帳繡茵之類亦衛宏舊儀之說而其異如  
此

丙午封宗子劉終爲淄川王按劉終泗水王欽之子欽光武

族父此宗子之稱如今人所稱同宗者耶

延岑大破赤眉於杜陵特書延岑破赤眉亦似延岑爲漢所遣將軍矣

四年圍劉紆於垂惠注垂惠聚名在今亳州山桑縣西北按山桑今蒙城縣

五年捕虜將軍馬武偏將軍王霸拔垂惠按前年有圍劉紆於垂惠之文此年下有拔剋獲劉紆則垂惠拔紆奔佼疆再奔董憲似宜及之

遣征南大將軍岑彭率二將軍伐田戎於津鄉按公孫述傳五年延岑田戎爲漢兵所敗皆亡入蜀此紀云延岑起漢中田戎起夷陵九年公孫述遣將田戎任滿據荆門則四年鄧

禹率二將軍與延岑戰於武當破之及此破田戎於津鄉亦  
宜有奔入蜀之文又按述傳岑戎竝與秦豐合豐俱以女妻  
之及豐敗二人皆降於蜀述敗二人入蜀在此月後

光武帝紀下揚武將軍馬成等拔舒按自四年八月圍舒至  
六年始拔

七年詔罷輕車騎士材官樓船士及軍假吏按前書晁錯傳  
有假士假五伯假候續漢志軍司馬一人又有軍假司馬假  
候皆爲副貳

八年帝自征囂河西太守竇融率五郡太守與車駕會高平  
注高平縣名後改爲平高劉曰高平下合有一郡字今本萬  
承蒼按高平本非郡名蓋高平縣後改爲平高範按唐志始



曰平高卽今之固原州

樹按官書題名不稱姓此加姓先生慮其人不著也又有但稱今本按云

不著其人者

十二年大司馬吳漢與公孫述將史興戰於武陽斬之按武陽今成都井研縣

十三年詔以河間王邵爲樂成侯注樂成縣故城在瀛州樂府縣西北今本臣召南按樂府縣當是樂壽縣之訛唐無樂府縣其深州樂壽初隸瀛州舊唐志曰樂壽漢樂成縣是其證也

十二月詔益州民被略爲奴婢者一切免爲庶人或依托爲人下妻欲去者忝聽之按王莽傳武仲自稱漢氏劉子輿成帝下妻子也顏注下妻猶小妻

十五年封皇子輔爲右翊公焉爲左翊公今本臣召南按當作左馮翊公脫馮字以中山簡王焉傳證之可見然左馮翊未必以爲封地範按簡王傳劉貢父以爲多一馮字說是蓋右翊旣無其地則左翊同之也竊意當世封非名號自有地但不詳其處所耳

十九年九月幸南頓父老叩頭言皇考居此日久按此及後注蔡邕碑當時臣民亦稱皇考則光武不易稱矣未知於元帝稱謂何也

是歲復置函谷關都尉按置舊本作致此從貢父說改也二十六年南單于遣子入侍奉奏詣闕於是雲中五原朔方北地定襄雁門上谷代八郡民歸於本土按前不見有徙雲

中北地文

廿八年沛太后郭氏薨因詔郡縣捕王侯賓客按詔捕王侯賓客自緣劉鯉此似以沛太后之故矣

是歲初起明堂至北郊兆域注皆於中行鄉射禮按鄉疑大又注云高皇后配西面按西面下疑脫北上二字

中元二年二月戊戌帝崩於南宮前殿年六十二按光武生於建平元年乙卯又王莽地皇三年壬午於宛起兵年廿八則崩以丁巳之歲年六十三

皇考南頓君初爲濟陽令續漢志陳留郡濟陽有武父城注引左桓十二年盟於武父杜注濟陽縣東北有武父城按濟陽當在今開封儀封蘭陽之東北上卷注在今曹州冤句縣

西南故城在今曹陽西南五十里劉昭又云縣都鄉有行宮  
光武生

贊曰尋邑百萬貔虎爲羣按卽前云驅諸猛獸虎豹之屬也  
又曰英威旣振新都自焚按卽前書衆兵燒葬九廟明堂辟  
雍及葬避火宣室前殿之事也

顯宗孝明帝紀孝明皇帝諱莊按帝初名陽似亦當及之明

帝年十二辯陳畱吏牘見劉隆傳

東樹按明監本篇題皆止日某帝紀不書某宗亦無

孝字惟於紀首具某宗孝某皇帝諱

某云云今本及汲古本同依宋本題

中元二年二月卽皇帝位三月丁卯葬光武皇帝於原陵按  
一月而葬也又魏志文紀云霸陵之完功在釋之原陵之掘  
罪在明帝

十二月甲寅詔天下亡命殊死以下聽得贖論死罪入縑二十匹右趾至髡鉗城旦舂十匹按前書惠紀應劭云城旦者旦起行治城舂者婦人不豫外徭但舂作米不見此注所引之文疑小顏刊落之也

永平三年詔曰去其螟螣以及螯賊注螣一名短狐按二句卽用詩句不必解螣爲短狐也陸德明釋文云螣字亦作螣或本作螣遂誤爲螣耳又李巡孫炎竝云四者因託惡政爲名據此詔則其說舊矣

八年詔昔應門失守關隴刺世注韓詩章句云云按此引章句與馮衍傳注小異

十五年冬車騎校獵上林苑按東都亦有上林苑耶

十六年畱兵屯伊吾盧城注今伊州細職縣伊吾故城是按  
細爲納字之訛

孝章帝紀十八年八月壬子卽皇帝位壬戌葬孝明皇帝於  
顯節陵按葬去崩僅十日

詔其以喜爲太傅融爲太尉竝錄尙書事注武帝初以張子  
孺錄尙書事按不云安世而云子孺避諱又安世武帝時爲  
尙書令至宣帝爲大司馬車騎將軍錄尙書事然霍山領尙  
書事又在安世之前矣

有司奏請尊孝明皇帝廟曰顯宗其四時祫祭於光武之堂  
間祀悉還更衣注園中有寢便殿便殿寢側之別殿卽更衣  
也按更衣在中門之外似不謂園中寢側別殿也且明紀云

藏主更衣別室園中豈藏主乎

建初七年詔仰惟先帝烝烝之情前修禘祭按前修禘祭紀中未及

元和二年徙江陵王恭爲六安王今何焯校本增廣平王羨爲西平王八字範按此見前建初七年矣未知何增字之義蓋此卽陳寵傳奏議賈宗等所上言也

七月庚子詔律十二月立春不以報囚按十二月以立春不報囚此著於律不言十一月今定律十一月十二月不報囚也

三年告諸郡太守相云云不克堂桓按正文及注構俱誤桓蓋宋世避高宗之諱刊本者不知誤以爲欽宗之諱也故桓

字猶缺下畫

樹按明監本作構  
今本誤沿宋諱

章和元年燒當羌寇金城護羌校尉劉盱討之按鄧訓傳及西羌傳此劉盱誤當是張紆耳劉盱之討參狼羌事在中元元年距此已卅一年

和殤帝紀孝和皇帝諱肇按篇題如前當云穆宗孝和今紀首無穆宗二字未詳獻紀初平元年有司奏和安順桓四帝無功德不宜稱宗或前史本此去之然此書安帝稱恭宗矣肇字範按說文作肇徐鼎臣按李舟切韻云擊也從戈犀聲直小切說文入戈部字讀亦近但義異耳今章懷音火可反未詳

樹按何義門云今徐鼎臣所校說文直去火可之音又無一語證明恐昧多聞闕疑之義也錢大昕直以章懷

爲  
譌



永元四年冬十月己亥宗正劉方爲司空按此卽章紀吏民同聲謂之不煩者耶

六年南單于安國從弟子逢侯率畔胡出塞冬十一月任尙

大破逢侯馮柱遣兵追擊復之按復下脫破字樹按南監本已具劉放之言

言

九年十一月癸卯光祿勳河南呂蓋爲司徒按大約諸爲三

公本書有傳者不書某所人其無傳者則書如後泰山巢堪

及此河南呂蓋是也前云太尉尹睦亦未云某地人順帝紀

李修亦無之注蓋字君玉宛陵人河南有宛陵丹陽亦有宛

陵

十四年繕修故西海郡徙金城西部都尉曰戌之按此金城

塞外羌所獻地豈金城乎前書地理志云金城郡莽曰西海  
然此曰徙金城西部都尉以戍之其非金城之郡治矣王莽  
傳言羌豪良願獻鮮水海允谷鹽池莽奏太后以爲西海郡  
然則莽未卽眞以羌所獻地爲西海郡其後仍併易金城郡  
爲西海郡耳此故西海郡乃羌所獻地也趙充國傳遂西至  
西部都尉孟康曰在金城

孝安帝紀按今本安帝上亦不書恭宗

樹按明監本書  
恭宗孝安皇帝

皇太后策命惟侯孝章帝世嫡皇孫疑脫失皇字又曰一人  
有慶不避孝王名耶

乙酉罷魚龍曼延百戲注漢宮典儀曰作九賓樂舍利之獸  
按今本亦訛舍利舍利文選西京賦薛注甚明

永初元年戊寅分犍爲南郡爲屬國都尉按郡當作部郡國志同

太常周章爲司空注章字次叔云云按周章已具本傳注似可損

四年乙丑初置長安雍二營都尉官注漢官儀曰京兆虎牙扶風都尉按續漢志云安帝以羌犯法三輔有陵寢之守乃復置古扶風都尉京兆虎牙都尉後元初二年京兆虎牙都尉杜恢注疑失都尉二字樹按此取溥非杜恢注謂漢官儀也

七年正月皇太后率大臣命婦謁宗廟注臣賢按東觀續漢袁山松謝沈書古今注皆云六年正月甲寅謁宗廟按表宏漢紀亦云六年云永初五年謁者劉珍上言皇太后宜人宗

廟與皇帝交獻蔚宗不載此交獻事於安紀而載於鄧后紀  
想亦非之也樹按交獻事帝紀不載惟見鄧后紀尤見隱義  
魏胡太后欲行親祭侍中崔光據此故事太后  
大悅又按劉珍劉毅皆宗室僉王又本紀后選  
諸儒劉珍等詣東觀讎校傳記似即五年事  
已亥詔隱親悉心按鍾離意傳身自隱親

孝順帝紀孝順皇帝亦不書敬宗

樹按各本皆題順  
沖質帝紀第六

永建元年賜百官隨輦宿衛及拜除者布各有差劉曰案隨  
輦宿衛乃是賞功拜除者未知何謂蓋傳寫之誤當云賜百  
官隨輦宿衛拜除者布各有差拜除謂已遷升其官布又加  
賜明衍一及字也

永和五年南匈奴左部句龍大人按大人字當在左部之下

孝質皇帝紀九江賊馬勉稱皇帝按朱穆傳注作黃

樹按明南監本

作黃字注引東觀記傳勉首及黃衣云云或以是誤作黃

孝桓帝紀孝桓帝亦不書威宗

樹按明監本同

太后定策禁中閏月庚寅使冀持節以王青蓋車迎帝入南宮按青蓋車安帝紀已詳此注重出注多如此

建和元年立阜陵王代兄勃遼亭侯便爲阜陵王注陽嘉中封勃爲遼亭侯今改封也按注文今本亦誤從阜陵王傳改爲勃遼亭侯但未詳何地也又注本傳作便親延熹二年二月己亥阜陵王便薨亦無親字

十一月清河劉文反殺國相謝暲欲立清河王蒜爲天子按清河王本傳謝暲章懷注帝紀謝作射蓋傳不同

建和二年長平陳景自號黃帝子按今本校云宋本作皇按樹  
此與前馬勉皆作黃字不誤因王莽稱黃故多此妖稱然例  
以後延熹八年蓋登九年戴異龍共稱太上皇奸人何所不  
至則作皇  
亦或然也

元嘉元年光祿勳吳雄爲司徒按吳雄附見郭躬傳

延熹二年司徒韓續等下獄注止長壽亭按長壽亭與萬壽  
亭是一是二未詳

壬午詔曰永樂太后親尊莫二按桓世之孝崇后靈世之孝  
仁后稱永樂宮據后紀疑避長樂之稱而稱永樂也

孝靈帝紀中平元年鉅鹿人張角自稱黃天其部師有三十  
六萬何云師當作帥萬當作方按三十六方見皇甫嵩傳不  
知何自訛寫爲万復緣注引續漢志語相沿不察也

二年黑山賊張牛角等按獻帝紀建安十年注引魏志張牛角博陵人

中平四年張純與同郡張舉舉兵叛劉曰案他處叛賊未嘗言舉兵者當由其人名舉故衍範謂貢父誤矣按劉虞傳純爲中山相舉前爲太山太守故言舉兵叛也且衍舉字成何文理乎

十二月休屠各胡叛按烏桓傳作休著屠各南單于傳作休著各此紀又少著字疑單呼則爲屠各而胡之名號則以休著屠各四字也

孝獻帝紀初平三年袁紹及公孫瓚戰於界橋注今貝州宗城縣東有古界城按宗城唐志屬魏州

四年詔曰孔子歎學之不講云云按倣熹平五年故事

二十三年甲子少府耿紀云云注引三輔決錄時有京兆全

禕按全禕據魏志當作金禕

樹按明監本注作金字

贊終我四百永作虞賓注引春秋孔演圖云云按楊賜於靈  
帝光和元年虹蜺之對已云四百之期亦將垂及則緯書故  
有驗者

皇后紀序其以私恩追尊非當時所奉者則隨它事附出注  
謂安母左姬及祖母宋貴人之類云云按注非也其云隨他  
事附出者兼紀傳言之如所謂賈貴人虞美人之類亦是也  
其云無所見係之此紀者言其親屬耳如郭氏昌及況閭氏  
之章及顯耳今本自此以下凡紀傳合者於旁低二字題云



某后紀某人傳當時頗有宋本何不倣刻而仍明代刻本之陋如此

光武郭后紀論曰愛升則天下不足容其高二句按郭后之立據劉植傳乃光武當世藉后舅劉楊兵衆以破王郎平河北納后以結其心及建武元年東海王生后旣素貴而又生皇子故得立及建武四年而明帝生聰知絕出且陰后又帝少所慕悅故廢郭后而立陰后郭后本無罪故加恩增寵不衰而范氏以爲愛升歡隊又信爲寵衰怨懟而見廢似不得其實也

陰皇后紀更始元年六月遂納后於宛按光武紀以更始元年六月破尋邑之兵是月更始都宛

竇皇后紀梁貴人者梁竦之女按一本梁貴人句下有褒親  
愍侯四字宋本無

和帝陰皇后紀陰后以巫蠱事廢按陰后巫蠱疑鄧后方以  
色升而左右承意從而媒孽之者

和熹鄧后紀劉毅上書安帝總覽大麓經營天物按天物卽  
大物也哀元年傳夏祀配天不失舊物

康以太后久臨朝政心懷畏懼託病不朝按已見鄧康傳此  
紀不必載

論曰鄧后稱制云云按范氏之論如彼而本紀則襲注記之  
舊有美而無惡亦乖謬矣

閼皇后紀建光四年帝遘疾崩於葉縣后顯兄弟及江京樊

豐等謀曰按后下疑有與字

乃風有司奏寶及其黨與至長史必注善文曰按晉書華廙傳云廙集經書要事名曰善文

孝崇匿皇后按孝崇孝仁二后似不當竝列於紀

靈帝何后紀王美人今本按云后紀序曰同居正號者竝列於篇私恩追尊者隨事附出此紀例也卷內自賈貴人以下應附各紀之末不應另傳此必非范氏之舊範按何后之事未終王美人自屬附見不得另起一行

皇女封公主序漢制云云事在百官志注沈約謝儼傳曰云云按今世所行朱書無謝儼傳惟南齊劉休傳云友人陳郡謝儼同丞相義宣反休坐匿之劾繫尚方又朱書王景文傳

求解揚州疏有云十七日晚得征南參軍事謝儼口信云臣使人略奪其婢遣問儼緣由答云使人謬誤不知卽此謝儼不此外儼事別無所見蓋宋書篇卷屢牙譌脫非復休文之舊矣謝儼事見章懷注惟此與班彪傳兩處

皇后紀論初平中蔡邕始追正和熹之謚註謚法有功安人曰同按鄧后紀注作熹樹按逸周書史記正義蔡邕獨斷所載謚法解俱無同字明監本注亦作熹疑下云帝后一體其禮從同官本由此致謬耶

援鶴堂筆記卷第二十八

史部

後漢書二

劉昭補注續漢志序自蔡邕大宏鳴條按鳴條未詳豈言陳畱邪范書野王二老傳湯卽桀於鳴條章懷注引帝王世紀曰或言陳畱平邱今有鳴條亭

沈松因循按隋志晉祠部郎謝沈後漢書八十五卷祕書監袁山松後漢書九十五卷謝承吳人吳主孫權謝夫人之弟承字偉平沈字行思二謝俱山陰人

梁劉昭補注按凡劉昭所注以志未備故欲以注補之今本題云梁剡令劉昭補并注是以此志大字正文爲有昭廁其間矣又按梁書劉昭傳云集後漢同異以注范曄書一百八

十卷又隋志後漢書一百二十五卷下注云范曄本梁刻令  
劉昭注似宣卿於注八志之外又注范書矣頃讀史通補注  
篇云范曄之刪後漢也簡而且周疎而不漏蓋云備矣而劉  
昭采其所捐以爲補注據此昭全注范書而今不傳疑章懷  
注多襲取之唐志昭補注後漢書五十八卷

律歷志論邕能著文至目備一家注引邕成邊上章曰故尚  
書郎張俊按張俊見袁敞傳又注云俊上書謝恩遂以轉徙  
按遂上有脫字邕自言以徙邊不能謝恩如俊也

禮儀志以朱索連葦菜彌牟朴蟲鍾按朴蟲鍾或者聚蟲而  
朴之如昭二十一年傳器以鍾之杜注鍾聚也此蟲鍾疑有  
其器

太子具樂器按續漢百官志云太子樂令用樂掌陳序此脫樂令二字

守宮設席於器南北面東上正德席鼓南西面令暑儀東北按令字疑當在守宮之下

季冬之月星迴歲終陰陽以交勞農大享臘注高堂隆曰火生於寅盛於午終於戌故火家以午祖以戌臘按升平之說余所未了火生於寅寅當在建寅之月其曰午戌似言日也蓋東漢從火德之說則戌自指丑月之戌日午亦指日也然則升平以漢於正月以午日祖而秦靜不取其說矣秦靜見高堂隆傳漢高用秦正則有戌月後用夏正戌非歲終故知此指戌日又言盛於午俱言後漢也

樹按以其行之盛而祖秦正夏正午皆非祖月

故知午  
戊言月

從哭詣陵會如儀注引蔡質漢儀曰十二陵今見在河南尹  
按蔡質乃邕之叔父也邕死以初平三年年已六十一而獻  
帝在魏封山陽公以青龍二年薨上距初平三年則四十三  
年矣是時蔡質尙存記其陵數乎今本按云何焯校本今改  
令削在字此何誤也樹按蔡質明曰十二陵又言無敬也與  
前引古今注章帝敬陵云云不合未詳

何故

祭祀志梁松上疏爭登封之禮注應劭漢官云云按隋志應  
劭漢官五卷漢官儀十卷

河圖提劉子曰九世之帝方明聖持衡拒九州平天下子按  
子明監本及今本作予樹按以予韻  
拒予字是也



北郊在雒陽城北四里按光武紀中元元年下章懷注引漢官儀疏云北郊壇在城西北角一里所

其西廟成哀平三帝王按王明監本及今本作主

非殷祭時不祭注右辨左辨按爾雅釋器革中絕謂之辨

尊號曰世祖廟注登歌八佾舞功名按明紀永平三年詔曰禮備法物樂和八音咏祉福舞功德蓋言舞以明功德也此言舞功名下言不宜名舞似樂名明監本今本同又注德洽作樂各與按今校本改各與作名予然與字不宜去但脫一予字耳

又注昭眞修之舞節眞修二字疑有誤今本亦同按前書舞無昭眞修之名疑眞爲德蓋舊本德或從惠遂訛爲眞眞修

字或在舞節之下又移於上耳

樹按昭明也非昭  
眞修三字爲名

又注漢書曰按班固之書建初中乃成此永平三年東平王  
議已有漢書之名

立大社稷於雒陽在宗廟之右注馬昭曰今校本云何焯校  
本注馬昭改臣昭範按馬昭難王肅見於經疏所引鄭志及  
王肅傳何乃妄改也

樹按前後注例皆作臣昭但此  
下有昭又曰知非宜鄭自言耳

五行志永初六年夏旱注三年郡國八八字下脫蝗字今校  
本有

樹按南監本作郡國八旱是也  
蝗在第十五卷五行志三也

謠時人竊言王莽稱黃述欲繼之故稱曰曰字從述傳改白  
今校本亦誤曰

樹按述欲以白繼黃用三  
統歷也明監本亦誤曰

永康元年巴郡黃龍見時史傳堅以爲走卒戲語不可上言

嘗見堅語云云按此一則不知采於何書蓋紀事之人與傅堅相接故云嘗見堅語云云若司馬彪時與此遠矣不得云見堅語也

建安四年武陵充縣女子李娥年六十餘物故注引博物記漢末發范明友奴冢云云按此卽魏志明紀注中載郭頒世語云青州刺史畢軌送范明友家奴年三百五十歲者也日蝕七十二朔三十二晦三十七月二日三今本按云蝕不於晦朔而於月之二日者和帝永元二年二月壬午不言晦朔是二日之一及安帝永初元年三月二日癸酉元初三年三月二日辛亥是二日之三也

郡國志序今但錄中興以來郡縣改異及春秋三史按三史

見國志吳呂蒙蜀孟光傳中此三史似但指春秋三傳也  
河南尹梁故國注史記秦滅東周不絕其祀以陽人地按秦  
本紀以陽人地賜周君奉其祭祀昭脫七字緣地字下間以  
徐廣注故也

河內郡蕩陰按葛龔傳章懷注蕩音湯

右扶風隃麋按耿況封國在今汧陽縣

美陽有岐山注東西流注於江按西明監本及今校本作南  
汝南郡宋公國有繁陽亭注引杜注鮦陽南云云按鮦陽今  
河南汝甯府新蔡縣

梁國穀熟注有南亳按穀熟在今河南歸德府商邱縣西南  
又按括地志云宋州穀熟縣三十五里有南亳故城宋州北

五十里大蒙城爲景亳湯所盟地河南偃師爲西亳此志亳與蒙未審如何分界

薄故屬山陽所都今本臣召南按山陽下脫湯字薄與亳通前書臣瓚注薄湯所都是也範按公子御說奔亳見莊十二年此卽皇甫謐所云北亳

沛國注秦泗州郡按州字誤別本又爲川字今本云何焯校

改泗水

樹按監本作川

譙注引左傳僖二十三年楚所取按取下脫焦夷二字

魏郡內黃清河水出按前志班注清河水出南

陰安邑按邑字疑衍

中山國北平按班固注不載於此疑宣卿於前志具者不重

出也據馮異傳章懷注北平故城在今易州永樂縣

望都注有馬安關按酈注澹水引地道記作馬溺關

唐有中人亭注趙襄子使新梓今本作新穉樹按監本亦作穉

安平國觀津按劉植傳植弟喜封觀津侯從兄歆封浮陽侯

浮陽志云侯國觀津不言侯國何也傳云喜歆皆傳國於後

以此知志之脫失者多

安平按桓紀章懷注博陵郡故城在今瀛州博野縣後徙安

平獻紀建安十八年徙趙王珪爲博陵王攷桓紀延熹元年

分中山置博陵郡晉志亦云漢置此無

河間國按分樂成涿郡勃海爲河間國據和紀在永元二年

陳畱郡封丘有桐牢亭或曰古蟲牢注有鞠亭古鞠居按成

二年傳齊師乃止次於鞠居杜氏注鞠居衛地

已吾有大棘鄉今本按云大棘首鄉皆襄邑地非已吾地也  
注皆應在上文有承匡城之下範按魏紀黃初四年三月甲  
午行幸襄邑已吾與襄邑接境已吾爲魏武起兵之地或行  
幸其地但言襄邑而不言已吾豈是時已併省乎又典韋陳  
畱已吾人韋死送歸葬襄邑韋死以建安二年酈注水經陰  
溝下云永元十一年陳王削地以大棘鄉直陽鄉自隱隸之  
命以嘉名曰已吾又酈注引陳畱風俗傳曰縣故宋也雜以  
陳楚之地故梁國甯陵縣之徙種龍鄉也余疑漢舊縣晉初  
已併省故晉志無已吾杜氏注經但言襄邑襄邑晉屬陳畱

國

東郡東阿注引左傳桓十年會於桃邱杜預曰縣東有桃城按此引左傳十八字當在桃城下

東武陽濕水出按濕水出雁門外此水未詳據水經云河水又東北經委粟津左會浮水故瀆注大河之北卽東武陽縣也故瀆上承大河於頓邱縣而北出東逕繁陽故城南故應劭曰縣在繁水之陽春秋襄二十年公與晉侯齊侯盟於澶淵杜預曰在頓邱縣南今名繁淵澶淵卽繁淵也亦謂之浮水焉 余前疑謬按前志卽濕水耳濕說文作濕今誤爲燥濕之濕燥濕本作溼今朝城縣有東武陽故城

泰山郡十二城按前漢志有華嶺漢志無之陳壽三國志臧霸傳云泰山華人則東漢末尙有此縣志疑脫此一字十二



城疑十三城

羸有鐵山在侯國疑在作荏山荏故城在今長清縣東北山字連上誤今長清縣漢盧縣又前漢志在縣應劭曰有荏山在東北按今東昌在平亦以荏至此而平名之

蓋按蓋縣故城在今沂水縣西北七十里

南城按南城疑脫武字前志屬東海者有南城晉志泰山郡有南武城又前書王子侯表有南城節侯貞按今費縣西南有南城故城晉名南武城漢白仍東海之舊名也非脫字寰宇記引史記齊威王使檀子守南城楚人不敢爲寇卽此濟北國盧縣故城在長清縣南五十里有景茲山按左作京茲

在平按亦當爲在

瑯邪國開陽按開陽故城在今山東沂州府北

東莞按今蒙陰縣

陽都有牟臺今校本按云牟臺當作平臺注杜預曰在縣西  
範按杜預曰在泰山牟縣西今本亦脫三字但前志泰山有  
牟與此泰山郡同小顏云桓十五年牟人來朝卽此然則宣  
元年云云當在前泰山牟之下而誤綴於此而琅琊無牟也  
臨沂注引博物志曰縣東界次睢按次睢今兗州府沂州境  
彭城國傅陽有祖水注卽偃陽按祖今嶧縣泲口偃陽故城  
在嶧縣南五十里

下邳國司吾按今宿遷縣西北有司吾城

東萊郡不期侯國今本按云不期當從前書作不其本書伏  
湛傳封不其侯亦作其字

南陽郡鄴侯國注卽飲此水今本云何焯校本卽改仰  
南鄉丹水按在今內鄉縣境

南郡中盧按今南漳縣有中盧故城

卽侯國按卽今併入宜城樹按卽明監  
本誤作卽

零陵郡零陵陽朔山注有雍水表水來水何焯校本雍水作  
灌水表水校作來水來水校作米水

武陵郡漢壽按今武陵縣南四十五里有漢壽故城

長沙郡下雋按下雋今崇陽通城是其境

九江郡浚道注橐皋按今廬州巢縣西北六十里有橐皋

平阿按前志云莽改成德曰平阿此有成德復有平阿蓋此沛郡之平阿莽曰平陵也成德莽曰平阿漢已復故名矣丹陽郡按丹陽治宛陵吳志孫韶傳孫翊遇害韶父河馳赴宛陵責怒嬀覽戴員以不能全翊按翊爲丹陽太守疑東漢舊治

故漳按史記吳王濞傳正義云湖州長城縣西南八十里故郭城

溼歛注玉山今本作三王山按云本亦作三玉山何焯校本減去三字範按山海經注作三王山

廬江郡尋陽南有九江注垂二二五百里今本云何焯校本減去三字

龍舒侯國按楚王英傳注龍舒縣故城在今廬江縣西也當  
卽吾桐城范滂傳注引謝承書滂父顯故龍舒侯相

安豐有大別山注引左杜注縣南有鷄備亭今本云何焯棟

本備改人範按左傳杜注正作備

樹按監本作人

會稽郡太末注龍邱山按山在今龍游縣東四十里又注龍  
邱長今本按云長當作萇

吳郡吳本國注又石城按今本越絕云古城者吳王闔廬所

置美人離城也去縣七十里虞山者巫咸出也然則古石二

字未詳孰是而二山當人出二字之訛邪

樹按据本注則今本越絕人字出字

乃山字之譌離城也增出美山虞山巫咸山連言七十作三  
十然亦謂鹿湖麗溪城非斥石城也虞山者巫咸出也者也  
字衍大約古書翻刻燭脫訛誤實甚刻者不能校讀者不能  
詳經史類然矧茲駁書耶今亦不知章懷所引爲越絕原文

抑有所割省邪然較今本明白固多矣

毘陵注在荒連上今本作古淹地

樹按監本作荒連上

婁今本云監本脫此一縣依宋本添

樹按明天啟三年刊監本有婁

豫章郡建城今本臣召南按上文豫章郡戶口下分注豫章記曰一條三十二字應在此建城之下遍檢此志引書必有所指上文豫章記言秦民分徙此地卽此地立名上蔡之注解不知何時將豫章記注移置於前後人遂無糾正者範謂此說非也引豫章記者蓋以新吳上蔡永修豫章四縣並中平建安時立以廣此志未備耳非揣以建城設引此記也至蔡民十一字作記者自云所見劉昭引之以竟其文何爲糾正乎新吳上蔡永修豫章立於豫章郡非立於建城一縣也

上蔡民十一字豫章記申明所以名上蔡故耳而劉昭於建  
城則實指上蔡之地曰此城立名蔡者正緣上注引記之文  
也

樹按秦民分徙秦字乃蔡字之訛  
此言所以名上蔡之故秦何預耶

海昏侯國注在昌邑城範疑在爲有字之訛此四字當大字  
書今本亦與毛本同

樹按監本亦同

臨汝永元八年置按臨汝今臨川縣

漢中郡錫按左傳作錫前漢同此及晉志作錫今鄖陽府治  
胡渭曰今白河縣

巴郡注引譙周巴記初平六年趙穎分巴爲二郡云云酈注  
穎作肩今本臣召南云劉緯當作劉璋璋分巴東西二郡蜀  
志可考範按蜀志無此則華陽國志水經注引之據王象之

輿地紀勝云孝桓永興二年三月刺史但望采文學掾趙芬等議上疏欲分江州以東墊江以西爲二郡一治臨江一治安漢朝議未許至獻帝初平中分巴爲永甯固陵二郡永甯治江州固陵治魚復以墊江以上爲巴郡治安漢以江州至臨江爲永甯郡胸臆至魚復爲固陵郡建初六年魚復令蹇猜白劉璋爭巴名乃改永甯爲巴郡固陵爲巴東墊江以上爲巴西治安漢有此或采之華陽國志未詳但望疏及趙芬等謝朓藝文類聚中有之又水經注漾水又東南過巴郡閬中下云巴西郡治也劉璋之分三巴此其一也江水又東北至巴郡江州縣東下云漢獻帝初平元年分巴爲二郡江州則永甯郡治也至建安六年劉璋納蹇胤之訟復爲巴郡以



嚴顏爲守巴郡漢世治江州巴水北府城是也後乃徙南城云云其江水又東逕魚復縣故城南下云初平元年以魚復爲固陵郡蹇胤訴劉璋改爲巴東郡治注引巴記全不分明初平僅四年無六年也墊江去成都之東千餘里今合州安漢在今順慶境中成都東南六百里又按但望疏云巴郡南北四千東西五千周萬餘里屬縣十四戶四十六萬四千七百八十口百八十七萬五千五百三十五永甯今重慶周記亦不甚明重慶巴縣卽江州縣

枳按今廣元縣界重慶長壽舊枳

涪陵注從枳南入析丹涪水本與楚商於之地接按注涪下今本有陵字臣召南按云析丹水皆縣名與涪陵相接注當

云從枳南入析丹水涪陵與商於之地接析誤作折丹涪陵  
又倒其字遂不可解範謂次風雖有此改然巴漢志究屬誤  
也楚世家徐廣注商於之地在今順陽郡南鄉丹水二縣有  
商城在其中故謂之商於索隱曰地理志丹水及商屬弘農  
今言順陽者自魏晉始分置順陽郡商城丹水俱隸之按今  
南陽府內鄉析川是其地安能遠及涪陵乎涪陵地雖廣不  
能與此接也今綿州乃漢之涪今涪州乃漢涪陵

安漢按隋志南充舊曰南漢

廣漢郡雒州刺史治臣召南按云雒是一字縣名前書可證  
又本書李固傳出爲廣漢雒令是也各州刺史治例無州字  
又漢陽郡隴州刺史治亦衍州字範按雒今成都府漢州

廣漢按今之遂甯縣

蜀郡江原今崇慶州

廣都按今雙流也

漁氏道注彭門按彭門卽水經注引益州記所云天彭關亦謂之天谷者也非今灌之天彭關

緜虎道今汶州

犍爲郡漢安按今內江

越雋郡卑水卑前書孟康音班

三縫按前志三絳

永昌郡注明帝永平二年今本校從明紀增十二年

樹按明監本亦

作二年

漢陽郡畧陽按在今秦州秦安縣

武都郡按前漢治武都在今階州

下辨按故城在今成縣西三十里

上祿按今西和縣

故道按今鳳縣

沮按沮縣在今漢中府略陽

金城郡允吾注西羌傳有唐谷按唐谷疑卽鄠注水經唐述

谷

臨涇注宜民按鄠注水經渭水又東過冀縣北下云成帝永始二年罷安定呼他苑以爲安民縣或云安民或云宜民二說各異

安定郡朝那注引山海經曰涇水出縣西丹頭山今本臣召南按丹頭山丹當爲开各本俱誤

烏支按前書烏氏小顏氏音支

出薄落谷按出上疑有某水脫失按淮南子云笄頭山一名薄落山故涇水一名薄洛水又魏書地形志涇州隴東郡涇陽有薄洛山涇水出又前書烏氏下注烏水出西北入河武威郡鶡陰租厲今本按云鶡陰前書作鶡陰租厲前書作祖厲

敦煌郡拼泉按前書作淵泉

上黨郡壺關注今名無睪按今本作平澤云何焯校改平睪

樹按明監本作睪

西河郡離石美稷中陽園陰按離石今永甯州美稷今太原府之河曲縣中陽今孝義縣又米脂縣西北有園陰故城園陽或在其東北也園圖之誤前志刊字亦誤小顏注甚明舊唐志西河郡濕城本漢之美稷隰城疑近今汾陽縣據水經河水又左得湍水口注云水出西河美稷縣東南下引郭汲行部到西河美稷事疑河曲爲得之或隰城更在今汾陽之北少東也子夏退老於西河之上史記正義引括地志云在隰城有謁泉山室是其地也今汾縣北四十里有隱泉山卽謁泉山也唐志載孝義縣下

朔方郡大城今本云何焯校本去土

廣陽郡注永平今本臣召南按和帝永元八年復非永平也

範按此注昭帝更名為郡之下尙缺宣帝復爲國五字蓋本始元年更爲廣陽國至光武始并入上谷郡耳

漁陽郡按前志漁陽郡清鹽縣下注云莽曰匡德應劭曰明帝更名鹽田今志中無其名

狐奴按順義東北二十五里有狐奴山

遼東郡西安平按前志遼西有新安平卽西安平與賓徒交黎徒河入之遼東屬國而無慮近今廣甯前志及此并屬遼東則漢世遼西當在今錦義之南矣又考續志則遼西諸縣似多在今永平州縣與後遼金建置不殊

汝今本云何焯校減去水範按前書作文成此疑脫成元菟郡高句騶注出塞外御白平山今本云御當作銜

候城顧炎武救文格論云候改屬元菟而遼東復出一候城無慮改屬遼東屬國而遼東復出一無慮必有一焉宜刪者然則天下郡國少二城矣

樂浪郡占蟬遂城今本云占蟬前書黏蟬遂城前書遂成遼東屬國今本臣世駿按遼東獨無戶口

賓徒按前書作賓從

昌遼故天遼今本臣召南按前志遼西無天遼縣顧炎武考古錄疑此志昌遼故天遼五字當作昌黎故交黎是也又考安帝紀鮮卑攻夫犁營章懷注曰夫犁縣名屬遼東屬國鮮卑傳又作扶黎注又同然則前漢名交黎後漢名夫犁又改曰昌黎也疑此志當作昌黎故夫犁夫與天字尤相近



鬱林郡按鬱林亦無戶口

百官志西曹按前書丙吉傳西曹白斥馭吏陳遵傳西曹以故事謫遵則西曹主謫罪事

大司徒大司空建武二十七年去大按三公并去大名從朱祐之議也

大行令一人注主稠中都官斗食今本按云當作調

黃門侍郎六百石注衛瓘注吳都賦按瓘乃權字之誤衛瓘注吳都賦見魏志衛臻傳中裴注

司隸校尉其餘弘農河內河東三郡其置尹馮翊扶風及太守丞奉之按郡國志弘農河內河東三郡不置尹也此云其置尹未詳或者云尹不常置之則馮翊扶風守丞則奉之邪

下卷云凡州取監都爲京都置尹一人此當云河南尹京兆尹二尹耳不則其置尹馮翊扶風云此三郡所置之尹卽馮翊扶風兼之此三郡太守丞奉之邪

輿服志輕車洞朱輪輿按前漢張安世傳注小顏注引此洞作彫又云蓄矛戟幢麾班駟

援鵜堂筆記卷第二十九

史部

後漢書三

劉聖公傳弟爲人所殺按此卽安成孝侯賜傳注中亭長子殺更始弟騫也

其攻離鄉聚今本臣承蒼按離鄉乃聚名郡國志於南新市侯國下注按本傳有離鄉聚綠林則離鄉聚綠林均爲地名可知章懷注非範按田况爲王莽言收合離鄉小國無城郭者徙其老弱置大城中蓋前記誤章懷注是劉昭不詳誤云聚名耳如離鄉爲聚名則所攻僅一聚亦不足書矣

東樹按郡國志

書聚名數十豈必離鄉獨如田况所云章懷注似非劉昭不誤

新市平林按今京山縣

驃騎大將軍宋佻按光武紀作宗佻

軍帥將軍劉曰是時多置軍師鄧禹傳亦作軍師將軍此當作師

更始既至居長樂宮按桓譚新論更始帝到長安其大臣辟除東宮之事爲下所非笑但爲小衛樓半城而居之以是知其將相非蕭曹之儔也

劉盆子傳呂母怨宰密聚客規以報仇按王莽傳呂母之起在天鳳四年此敘呂母事與樊崇起兵筋脈不屬但以呂母死其眾分入赤眉青犢銅馬中一句聯綴之耳

崇同郡人逢安東海人徐宣謝祿楊音注東觀記逢音龐按逢音龐三字當在東觀記之上又按顏籀匡謬正俗云逢姓

者蓋出於逢蒙之後讀當如其本字更無別音今之爲此姓者自稱迺與麗同音

今日設君臣之禮反更殺亂按當如後作肴

樹按注肴亦亂也則字本作肴

積兵甲宜陽城西與熊耳山齊注酈注云云按酈注又云此自別山不與禹貢導洛自熊耳同也

劉恭爲更始報殺謝祿按沛王輔傳更始子劉鯨怨盆子害其父因輔結客報殺盆子兄故式侯恭

王昌傳賴知命者將護朕躬注引東觀記云云今本臣承蒼按上文已言識命者郎中李曼卿此知命者卽曼卿也範按注據東觀記耳不當云東觀記曰如此也其東觀記或載其檄文云云今此傳之檄文或范氏芟改觀他處本文所載與

注亦有不同者是不得以其前文遂疑東觀記爲非也且前言與俱至蜀此似又指一事也

李憲傳攻殺安風令今本臣會汾按郡國志安風爲侯國而安豐則縣也傳云殺令似當從注作安豐範按志所云侯國竟東漢前後所封言之耳建武六年安風未必爲侯國也至八年竇融爲安豐侯融孫嘉亦爲安豐侯則安豐亦侯國矣樹按竇融傳注安風在安豐縣南安風莽所封融封安豐之前安風未有侯國也

隗囂傳天水成紀人注隴城按今秦州秦安縣

囂上書盛言二輔單弱劉文伯在邊注文伯盧芳字今本臣承蒼按云盧芳詐稱武帝曾孫劉文伯故當時之人但知爲劉文伯而不知爲盧芳文伯非盧芳字也芳字君期見本傳

範按文伯亦盧芳字也觀其上疏白云臣芳過託先帝遺體  
不稱文伯也且下云南有子陽北有文伯則芳字明矣樹按  
萬按  
本何焯  
校語

囂復上言白水險阻按白水今文縣竟

叵欲討之按班超傳超欲以此叵平諸國

乃使王元拒隴坻王孟塞雞頭道按雞頭山在今平涼縣西  
又鞏昌府境云在成縣西南十五里

囂將妻子奔西城從楊廣按正文及注刊本衍一城字光武  
紀亦有城字水經注引此文亦有城字非刊本所加今之興  
安州平利縣亦云漢之西城乃續漢志漢中郡縣也非此樹  
按  
下有圍西城文  
則城字非衍文

耿弇蓋延圍上邽按今秦州西南有上邽故城西縣故城在今秦州西南一百二十里括地志云秦西垂宮也

王元入城迎囂歸冀按今伏羌縣東有冀縣故城

公孫述傳後父仁爲河南都尉而述補清水長注秦州縣按

注州下脫清水二字

樹按注上有清水縣名非脫字如下邽州縣益州縣是其例也

使將軍李育程烏將數萬眾出陳倉按程烏馮異傳作程焉

光武紀亦作焉

齊武王縝傳阜陽乘勝畱輜重於藍鄉注比陽縣有藍鄉按志棘陽有藍鄉非比陽

北海靖王興傳普立七年薨按安帝紀延光二年六月丙申北海王普薨則上距永初元年乃十七年脫十字



城陽恭王祉傳光武族兄按節侯買乃光武之高祖敞之曾

祖則敞乃光武之族父非兄也光武紀章懷注亦云春陵侯

敞光武季父則此傳兄字誤也今本亦爲兄

樹按監本亦爲兄

歲餘會族兄安眾侯劉崇起兵注云云按丹爲崇之六世祖

據前書王子侯表注不誤但崇爲敞之族孫非兄也

樹按此等皆傳

刻之誤非本書誤也如後泗水王書族父也

安城孝侯賜傳帝爲營冢堂起祠廟置吏如春陵孝侯按前

書王子侯表作孝侯但此城陽恭王祉傳作考今本亦作考

樹按監本亦作考此刻誤也如監本安城孝侯誤作李也

順陽懷侯嘉傳張竦爲作奏者乃劉崇之族父此又一劉嘉

李通傳永平中顯宗幸宛詔諸李隨安眾宗室會見注謝承

書曰安眾侯劉崇隨光武河北破王郎安眾諸劉皆其後按前書王子侯表崇已爲莽所滅卽王莽傳張竦爲劉嘉作奏亦云崇進不跬步退伏其殃則光武之興崇死久矣安得有隨破王郎之事以此知謝書之妄

王常傳與荊州牧戰於上唐大破之遂北至宜秋注南郡有宜秋聚按宜秋聚在南陽非南郡

鄧禹傳從光武追賊至滿陽按世祖紀注蒲陽本或作滿陽此卽近今滿城矣蒲陽山在今完縣縣卽曲逆章帝更名蒲陰

拜司徒策曰斬將破軍平定山西按河東亦稱山西

鄧訓傳訓以太后之故故當時爲作佳傳范氏雖芟薙鄙屑

然終似美過其實

觀鄧訓傳及和熹后紀知當時東觀注記幾與今人作行狀家傳不遠

永平中理庠沱石曰河按石曰河在今平山縣

上谷太守任興欲誅赤沙烏桓按赤沙沙爲山之譌據烏桓及祭彤傳改山今本亦誤赤沙

時迷吾子迷唐又迷唐伯父號迷吾按西羌傳號吾乃迷吾之弟迷唐乃迷吾之子此云伯父則記述互異而號迷吾則誤加迷字耳今本亦多此一字

樹按監本亦多迷字

迷唐乃去大小榆按大小榆谷在今西寧府西南塞外去今河州千餘里

會尚等夜爲羌所破云云按此事當在永元元年和帝紀不具西羌傳亦不載

鄧騭傳又封京子黃門侍郎珍爲陽安侯按陽安侯珍爲京子之從祖父名已不避

岑彭傳以爲鄧禹軍師按以下當增彭字

樹按不則似以韓歆爲禹軍師矣

賈復傳十三年定封膠東侯注云云按注所云六縣據前書志言耳膠東國莽曰郁秩故注不及挺胡志作挺無胡字

吳漢傳胸脇徐容注胸音劬又引十三州志音春按胸有蠶音耳春疑誤

臧宮傳公孫述將延岑盛兵於沅水按光武紀作沅水

樹按監本

光武紀注云本或作沅水沅水者并非則作沅是也

耿弇傳光武乘勝戰愼水上按光武紀作順水

至浚靡而還注靡音麻按前書地理志及續漢志浚竝作俊又莽改俊靡曰俊麻未必靡音麻也益州之牧靡李奇讀爲靡耳馬武傳亦作浚靡音麋必有一誤

王霸傳數上書言宜與匈奴結和親又承委輸可從溫水漕事皆施行注水經注曰溫餘水按酈注今本作濕餘水又按建武無與匈奴和親事不得云事皆施行也

任光傳與世祖破王尋按前稱光武此傳下多稱世祖亦范氏沿用舊史未及釐正

劉植傳植與弟喜從兄歆注東觀記喜作嘉按岑彭傳偏將軍劉嘉驍騎將軍劉歆

耿純傳純與從昆弟訢宿植按岑彭傳偏將軍耿植

帝憐揚讓謀未發并封其子復故國按劉揚之誅或以疑忌故復封其子蓋有悔於厥心耳造議惑眾疑非其寔

贊委佗還旅注佗音移按佗讀本音不必音移

朱祐傳四年率侯進耿植代岑彭圍秦豐於黎邛按續漢郡國志南郡卽侯國有黎邛城劉昭注朱祐禽秦豐蘇領山

劉隆傳帝詰吏山趣吏不肯服按通鑑以趣爲句胡身之注趣向也問是書之意其所向爲何如

堅鐔傳朱鮪由是遂降按朱鮪之降與岑彭傳不合

論曰中興二十八將云云按二十八將其卓焉炳著者不過十數人餘多無殊績可采當時以讖記配合何足道也又按

史記自序云二十八宿環北辰三十幅共一轂運行無窮輔拂股肱之臣配焉

竇融傳封章武侯注章武在今滄州魯縣按滄州魯城縣乾符元年以生野稻水穀燕魏饑民就食更名乾符

融召豪傑及諸太守計議其中智者云云按班彪爲融畫策事漢此智者疑斥彪也竇融傳想亦班固爲蘭臺令史時與尹敏陳宗等所撰功臣傳之一蔚宗承用之

固傳來苗文穆至匈奴河水上按此豈前書匈奴傳趙破奴出令居所至之匈奴河耶二劉謂當作匈奴頃檢貢父刊誤亦云多一奴字按前匈奴去令居千里

憲傳憲等旣至帝乃幸北宮收捕疊磊瑱舉皆下獄按是年

和帝年十四

論竇憲銘石負鼎薦告清廟列其功庸兼茂於前多矣按范氏之言謬矣衛霍所值乃匈奴熾盛之日四郡未開西域爲虜役屬而青病出塞弩門踰障推鋒裂其右肩驅之幕北故爲不世殊勳若竇憲之時則二虜旣判而北單于亦創殘削弱之餘則度磧絕幕焚區犂庭未可云遂越前功也觀蔚宗此論想其西池射堂躍馬顧盼自謂一世之雄者如此

馬援傳曾祖父通坐兄何羅反被誅按前書武紀後元元年侍中僕射莽何羅與弟重合侯通謀反孟康注征和三年言重合侯馬通今此言莽明德馬后惡其先人有反易姓莽按子孫或有避禍易姓者耳豈有上易先人之姓者疑援本姓



莽後易姓馬耳其云馬服君之後亦當世史官張其得姓之始而未必實然也大約古人讀莽馬俱莫戶反

于是璽書拜援伏波將軍注成舉令卽舉字爲白下羊丞印四下羊尉印白下人人下羊按熊與可鍾鼎篆韻序引東觀記曰作尉印白下入入下羊

初軍次下雋有西道可入從壺頭則路近而水險按壺頭在今桃源縣

帝乃出松書以示之按前云上書譜之者不言梁松此云出松書以示之前後不相照顧

是冬始施行十二月迎氣樂防所上也按隋書樂志引東觀漢記書馬防傳言防議樂事

又大起第觀連閣臨道彌亘街路按陸士衡鞠歌行序曰後漢馬防第宅卜臨道連閣通池鞠城彌於街路此或出於東觀記邪

卓茂傳初茂與同縣孔休陳畱蔡勳安眾劉宣楚國龔勝上黨鮑宣六人同志不仕王莽按鮑司隸於哀帝時已髡削家上黨平帝二年衛氏之獄已自殺矣孔休則先幾已避莽龔生於哀帝時乞骸骨王莽秉政之日歸老鄉里卒以死償節子康待至莽居攝始以病免則與三賢之志節已稍頽矣至勳宣之事不可攷云六人同志疑亦出於風俗之書未足可據且孔鮒龔三人班書不云同志而此乃云六人同志何以明之

魯恭傳肅宗時斷獄皆以冬至之前恭議奏可令疑罪使詳其法大辟之科盡冬月乃斷按章帝以助養三微故冬至後勿報囚而吏遂速於科舉不及詳讞期於冬至之前結正其罪故恭請緩其奏報之期俾加詳審耳

劉寬傳每行縣輒引學官祭酒及處士諸生執經對講注博士祭酒秩六百石按祭酒六百石乃中朝官郡縣安得此乎此與卓茂爲門下掾祭酒俱不得以博士之祭酒相方

伏隆傳劉永亦遣使立步爲齊王步貪王爵允豫未決按允豫章懷悉音注範謂允卽猶字

宋弘傳按王莽天鳳二年遣將兵擊匈奴有并州牧宋弘趙熹傳皇太子與東海王等雜止同席云云按拓拔魏世宗

崩廣平王懷欲上殿哭大行崔光引此事以折之聞者云光  
理義有據然範按漢世王公哭於殿下而烹但止格其同席  
耳

牟融傳十一年代鮭陽鴻爲大司農按鮭廣韻八十二齊音  
奎又本書儒林傳云中山鮭陽鴻字孟孫注鮭音胡瓦反其  
字從角字或鮭從魚者音胡佳反據此字當從傳作鮭也廣  
韻十五馬鮭字不云姓誤矣

韋彪傳族子義高祖父元成元帝時爲丞相初彪獨徙扶風  
故義猶爲京兆杜陵人按前書韋賢傳徙平陵元成別徙杜  
陵病且死因使者乞歸葬父墓彪爲東海太守弘之後故居  
平陵元成雖歸葬平陵而子孫仍家杜陵也

杜林傳按王莽地皇元年於長安城南營九廟時將作者有執法杜林非伯山邪

以爲持書平劉曰按文多一平字蓋舊作治書讀者以平音治字章懷已改作持後人又妄畱平字也按劉說未詳余從今本錄之疑字有訛也蓋劉指隗囂傳章懷注耳此治字章懷已改作持當云持字章懷改作治也又按持字不必改平字亦未必後人妄畱如持書卽治書當云持書侍御史不得單云持書也又持書侍御史平廷尉奏事罪當輕重此或取平字之意囂本未備官未可裁以漢志

趙典傳兄子謙謙弟溫相繼爲三公溫辟曹操子丕爲掾操怒奏溫辟忠臣子弟選舉不寔按以魏志文紀注校衍忠字

桓譚傳天下之士莫不兢褒稱德美作符命以求容媚譚獨  
自守默然無言按王莽居攝二年翟義舉兵莽放大誥作策  
遣諫大夫桓譚等班於天下似亦非自守無言者但不喜讖  
或不爲符命耳

馮衍傳永遣弟升及子壻張舒誘降涅城注涅故城在今潞  
州鄉縣之西按鄉縣卽武鄉也舊唐志漢涅縣後魏曰沮城  
移治於南亭川改爲鄉縣則天加武字

陟九嶷而臨婁薛兮按前書志云截薛山顏音截齧音才葛  
反又音五葛反

七十說而乃信注謂年七十說湯乃得信也按七十說似不  
得指云年也揚雄傳或七十說而不遇應劭注謂孔子

括周唐之盛德兮摺桓文之譎功注薛夫子韓詩章句云云  
按唐宰相世系表薛漢父方邛字天子又本書儒林傳云漢  
習韓詩父子以章句著名引章句與明紀注小異

申屠剛傳及舉賢良方正因對策云云按孝平之世不見此  
舉非必班史有遺莽方顯柄以謀篡竊鉗制異己者肯以賢  
良方正爲名招致新進不識忌諱之士得不慮其訟論姦惡  
昭昭暴著哉且其子宇使衛后上書且迫令自殺誅滅衛氏  
則果如所對必不能從容罷歸田里而已也建武七年詔書  
徵剛按建武六年囂已臣於公孫述此時未必能以詔書徵  
剛也

鄧暉傳帝乃迴從東中門入按張湛傳作中東門

惲乃言於帝云云按惲之言而縮而不明所謂失其守者其

辭屈

樹按自此耶惲傳以下原書闕佚

趙壹刺世疾邪賦榮納由於閃榆章懷注榆音輸余憶康成注經亦有陝輸二字記詳